

宋
八小說
一序目

錢氏私誌
家王故事
家世舊聞
王堂逢辰錄
澠水燃譚錄
避戎嘉話


漢書門		三	六	八
二	四	一	二	八
架	冊	函	號	類

內閣文庫		三	六	八
七	四	一	二	八
架	冊	函	號	類

內閣文庫		番號	漢	3168
冊數	24	(1)
函號	371		6	

林取書

371-6



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



新刻宋人百
家小說

宋人小說序

古史亡而後小說興齊諧見述於漆

園夢卜多載于盲史卽宋玉之賦行

雨子長之傳琴心厥體濫觴實托之

始魏晉而下搜神志怪冥通異苑爲

宛委爲庚除赤綈玄藜莫可殫紀尤

莫盛於唐蓋當時長安逆旅落魄失意之人徃徃寓諷而爲之然子虛烏有美而不信唯宋則出土大夫手非公餘纂錄卽林下閒譚所述皆生平父兄師友相與談說或履歷見聞疑誤考證故一語一笑想見先輩風流

其事可補正史之亡裨掌故之闕較之段成式沈旣濟輩雖竒麗不足而樸雅有餘彼如豐年玉此如凶年穀彼如栢葉菖蒲虛人智靈此如嘉珍法酒飫人腸胃並足爲貴不可偏廢耳若古杭夢遊所載宋人小說有數

家如騰粉靈怪傳奇曰銀字兒提刀
趕棒及士馬發跡興亡之事曰鐵騎
兒其人所謂張黑踢酒李一郎粥張
二故衣毛三棗兒徐榮掇條張茂女
郎惠英是已此又鄙褻弛頹爲官家
供奉物不足佐解頤廣知識則非斯

集可比梓成附識於此

壬申春日桃源溪父題

宋人百家小說

偏錄家

第一帙

宋錢世昭錢氏私誌

第二帙

宋錢惟演家王故事

第三帙

宋陸游家世舊聞

第四帙

宋錢惟演玉堂逢辰錄

第五帙

宋王闢之澠水燕譚錄

第六帙

宋石茂良避戎嘉話

第七帙

宋周密紹熙行禮記

第八帙

宋趙彥衛御塞行程

第九帙

宋黃休復茅亭客話

第十帙

宋畢仲詢幕府燕閒錄

第十一帙

宋秦再思洛中紀異錄

第十二帙

宋王明清熙豐日曆

第十三帙

宋陳隨隱上壽拜舞記

第十四帙

宋蔡京太清樓侍宴記

第十五帙

宋許復幸張府節畧

第十六帙

宋陳隨隱從駕記

第十七帙

宋趙彥衛東巡記

第十八帙

宋王明清避亂錄

第十九帙

宋何先異聞記

第二十帙

宋張仲文白獺髓

第二十一帙

宋俞文豹清夜錄

第二十二帙

宋費袞梁溪漫志

第二十三帙

宋洪翼暘谷漫錄

第二十四帙

宋何遠春渚紀聞

第二十五帙

宋朱弁曲洧舊聞

第二十六帙

宋王明清摭言雜說

第二十七帙

宋釋文瑩玉壺清話

第二十八帙

宋無名氏儒林公議

第二十九帙

宋上官融文會譚叢

第三十帙

宋董弁閒燕常譚

第三十一帙

宋岳珂程史

第三十二帙

宋王銍默記

第三十三帙

宋龐元英譚藪

第三十四帙

宋蔡條譚叢

第三十五帙

宋王陶譚淵

第三十六帙

宋陳郁話腴

第三十七帙

宋張端義貴耳錄

第三十八帙

宋魏泰東軒筆錄

第三十九帙

宋馬純陶朱新錄

第四十帙

宋張師正倦游襍錄

第四十一帙

宋孫宗鑑東臯襍錄

第四十二帙

宋陳晦行都紀事

第四十三帙

宋江休復臨幾襍志

第四十四帙

宋方回虛谷閒抄

第四十五帙

宋高文虎蓼花洲閒錄

第四十六帙

宋僧贊寧傳載略

第四十七帙

宋李略該聞錄

第四十八帙

宋錢希白洞微志

第四十九帙

宋丁用晦芝田錄

第五十帙

宋宋無吟藝集

第五十一帙

宋俞文豹吹劍錄

第五十二帙

宋梅堯臣碧雲駮

第五十三帙

宋王明清投轄錄

第五十四帙

宋沈括忘懷錄

第五十五帙

宋洪邁對雨篇

第五十六帙

宋呂居仁軒渠錄

第五十七帙

宋康駢劇譚錄

第五十八帙

宋廉宣清尊錄

第五十九帙

宋康譽之昨夢錄

第六十帙

宋邢居實拊掌錄

第六十一帙

宋蘇軾調謔篇

第六十二帙

宋蘇軾艾子雜說

第六十三帙

宋蘇軾仇池筆記

第六十四帙

宋何充遠鑑戒錄

第六十五帙

宋葉夢得玉澗禱書

第六十六帙

宋葉夢得石林燕語

第六十七帙

宋葉夢得巖下放言

第六十八帙

宋葉夢得避暑錄話

第六十九帙

宋陸游避暑襟抄

第七十帙

宋俞琰席上腐譚

第七十一帙

宋張世南游宦紀聞

第七十二帙

宋賈似道悅生隨抄

第七十三帙

宋馬永卿嬾真子錄

第七十四帙

宋周遵道豹隱紀談

第七十五帙

宋李之彥東谷所見

第七十六帙

宋亡名氏讀書偶見

第七十七帙

宋周密齊東野語

第七十八帙

宋景煥野人閒話

第七十九帙

宋姚亮西溪叢語

第八十帙

宋錢康功植杖閒譚

第八十一帙

宋王曄道山清話

第八十二帙

宋方嶽深雪偶談

第八十三帙

宋顧文薦船窓夜話

第八十四帙

宋蔣津葦航紀譚

第八十五帙

宋張淏雲谷襍記

第八十六帙

宋許觀東齋記事

第八十七帙

宋錢功澹山襍識

第八十八帙

宋黃鑑楊文公譚苑

第八十九帙

宋陸游老學菴筆記

第九十帙

宋程棨三柳軒襍識

第九十一帙

宋莊綽雞肋編

第九十二帙

宋方勺泊宅編

第九十三帙

宋劉跂暇日記

第九十四帙

宋溫革隱窟襍志

第九十五帙

宋陳直韋居聽輿

第九十六帙

宋陳賓桃源手聽

第九十七帙

宋邢凱坦齋通編

第九十八帙

宋楊伯岳臆叢

第九十九帙

宋趙崇絢雞肋

第一百帙

宋亡名氏釋常談

第一百一帙

宋龔熙正續釋常談

第一百二帙

宋洪皓松漠紀聞

第一百三帙

宋孫穆雞林類事

第一百四帙

宋文惟簡虜廷事實

第一百五帙

宋王易燕北錄

第一百六帙

宋程大昌北邊備對

第一百七帙

宋孟珙蒙鞬備錄

第一百八帙

宋郭彖睽車志

第一百九帙

宋歐陽玄睽車志

第一百十帙

宋魯龍括異志

瑣記家

第一百十一帙

宋周必大庚寅奏事錄

第一百十二帙

宋張溟良岳記

第一百十三帙

宋張禮城南注

第一百十四帙

宋歐陽修干役志

第一百十五帙

宋張端義六朝事跡

第一百十六帙

宋于肇錢塘瑣記

第一百十七帙

宋耐得翁古杭夢游錄

第一百十八帙

宋張邦基汴都平康記

第一百十九帙

宋洪濂侍兒小名錄

第一百二十帙

宋王銍侍兒小名錄

第一百二十一帙

宋温豫侍兒小名錄

第一百二十二帙

宋張邦基侍兒小名錄

第一百二十三帙

宋周密思陵書畫記

第一百二十四帙

宋僧居月琴曲譜錄

第一百二十五帙

宋沈括本朝茶法

第一百二十六帙

宋熊蕃宣和北苑貢茶錄

第一百二十七帙

宋無名氏北苑別錄

第一百二十八帙

宋黄儒品茶要錄

第一百二十九帙

宋蔡襄茶錄

第一百三十帙

宋張能臣酒名記

第一百三十一帙

宋陳達叟蔬食譜

第一百三十二帙

宋沈括藥議

第一百三十三帙

宋張翊花經

第一百三十四帙

宋慧日禪師禪本草

第一百三十五帙

宋胡錡耕祿藁

第一百三十六帙

宋毛勝水族加恩簿

第一百三十七帙

宋陳櫟感應經

第一百三十八帙

宋向孟土牛經

第一百三十九帙

宋蘇軾物類相感志

第一百四十帙

宋王銍襍纂續

第一百四十一帙

宋蘇軾襍纂續

傳奇家

第一百四十二帙

宋蘇轍游仙夢記

第一百四十三帙

宋蔡襄龍壽丹記

第一百四十四帙

宋沈括惠民藥局記

第一百四十五帙

宋洪邁鬼國記

第一百四十六帙

宋洪邁鬼國續記

第一百四十七帙

宋洪芻海外怪洋記

第一百四十八帙

宋楊拙閩海蠱毒記

第一百四十九帙

宋洪邁福州猴王神記

第一百五十帙

宋洪邁鳴鶴山記

第一百五十一帙

宋何遠韓奉議鸚歌傳

第一百五十二帙

宋謝良中山狼傳

第一百五十三帙

宋王惲彭蠡小龍記

第一百五十四帙

宋謝翱西臺慟哭記

第一百五十五帙

宋王明清邢仙傳

第一百五十六帙

宋劉子翬蘇雲卿傳

第一百五十七帙

宋宋祈辛讜傳

第一百五十八帙

宋陸游姚平仲小傳

第一百五十九帙

宋王惲洪燾傳

第一百六十帙

宋趙彥衛朱冲傳

第一百六十一帙

宋周密王實之傳

第一百六十二帙

宋陳侃方萬里傳

第一百六十三帙

宋陸友仁暢純父傳

第一百六十四帙

宋羅大經楊夫人傳

第一百六十五帙

宋周密吳興向氏傳

第一百六十六帙

宋劉涓子樂平耕民記

第一百六十七帙

宋沈括吳僧文捷傳

第一百六十八帙

宋胡錡江亭龍女傳

第一百六十九帙

宋鄭景璧紅裳女子傳

第一百七十帙

宋李祉陳盼兒傳

第一百七十一帙

宋曹嘉嚴藥傳

第一百七十二帙

宋秦觀眇倡傳

第一百七十三帙

宋陳忠菊部頭傳

第一百七十四帙

宋吳師宣耿聽聲傳

第一百七十五帙

宋虞防鍼異人傳

第一百七十六帙

宋趙與時林靈素傳

第一百七十七帙

宋張邦基李博傳

第一百七十八帙

宋岳珂何蓑衣傳

第一百七十九帙

宋張世南張鋤柄傳

第一百八十帙

宋李述基待詔傳

第一百八十一帙

宋陳直謝石拆字傳

第一百八十二帙

宋陳直張鬼靈相墓傳

第一百八十三帙

宋洪邁神咒志

第一百八十四帙

宋周密僊箕傳

第一百八十五帙

宋蘇軾子姑神傳

第一百八十六帙

宋沈括紫姑神傳

第一百八十七帙

宋何蘧中雷神傳

第一百八十八帙

宋崔伯易金華神記

第一百八十九帙

宋洪邁江南木客傳

第一百九十帙

宋方亮獨脚五通傳

第一百九十一帙

宋向魯聖琵琶傳

第一百九十二帙

宋洪邁妖巫傳

第一百九十三帙

宋何遠瓦缶米花傳

第一百九十四帙

宋蔡襄萬安橋傳

第一百九十五帙

宋洪邁續劍俠傳

錢氏私誌

宋 錢世昭輯 錢震瀧閱

神廟熙寧間諭宰相王岐公云昭陵二女皆朕之姑
卿可選勲賢之後有福者尚之岐公未有以奉詔會
大父寶閣知台州回光玉補試入太學適與岐公之
子敏甫同齋敏甫告岐公云近有一錢少監子風骨
不群文采富贍恐可奉詔岐公遂就啓聖院設齋令
敏甫盡召同舍飯罷岐公會茶熟視光玉甚久皆不
諭其意翌日又令敏甫竊取所業攜以進御云臣向

奉詔選勲賢之後尚主今得吳越王錢某之孫與臣男同齋得其業又奏啓聖親見之事乞賜召見上云待共太皇商量後數日有旨令三班奉職曹詩進士錢某又一人忘其姓名於某月某日同候宣押曹詩以本色服光玉服布衣已時候內侍宣押入內至一小殿殿內皆宮嬪二貴主在焉引曹與光玉立於簾前斯須上小帽領出簾外熟視云簾外與簾內一般顧左右令止御樂聽聖旨簾內宮人傳旨錢某可尚慶壽公主曹詩可尚承壽公主引入幕次更衣各賜

襲衣玉帶服所賜畢引至殿下謝恩殿上軸簾慈聖裕陵宣仁欽聖同坐慈聖謂曹詩曰你是我侄曾見拊光玉背曰錢郎好女婿上云是個享福節度使左右宮妃觀者如堵上同三殿徐登步輦還內樂聲漸遠復引光玉與曹詩再入幕次賜酒五行執事皆宮人飲罷內侍復引至宮門各以仗下御馬一疋崇政殿親從官二十人導歸第謂之宣繫玉帶赴朝三日除正刺史却繫方金御仙花帶赴朝參踰年賢穆下降三殿護送就第太常鹵簿迎引故事下降後三日

貴主同副車詣景靈宮及入內謝畢方見舅姑舊例
貴主齋堂垂簾坐舅姑拜簾外賢穆奏乞行常人禮
上與慈聖大喜再三稱詔從請上令中使宣諭宰執
是日宰執殿上稱賀

賢穆乳母永嘉董夫人一日入禁中慈聖問云至
以未得子爲念爲甚不去玉仙聖母處求嗣董奏曰
都尉不信事須是官家娘娘處分後數日光玉入禁
中上笑云董婆來娘娘處說都尉來光玉皇恐謝罪
欽聖云別沒事只是娘娘要教主主去玉仙求嗣董

奏云都尉不信光玉奏云旣得聖旨安敢不信遂擇
日與賢穆同詣玉仙止留知觀老道士一人祝香祈
禱道士見貴主車服之盛歆艷富貴云願得貧道與
太主做兒子歸而有娠明年四月十五日光玉欲赴
朝賢穆云我昨夜夢見玉仙觀知觀來與我做孩兒
亟遣人詣廟祈禱且問道士動靜知觀自去年大主
上廟後便不安不下床多日矣知觀在房內聞人聲
問云甚處人來報云錢大主臨蓐齋香燭祈禱知觀
笑云來催我也是日告殂大父寶閣善推步午時遣

金此和言
人來報光玉云符數七十有九若今日酉時生是個
有。福。節。度。使。伯。兄。果。酉。時。生。平。生。淡。薄。享。壽。七。十。有
九
賢。穆。有。荆。雍。大。長。公。主。牌。印。金。鑄。也。金。鞍。勒。瑪。瑙。鞭。
金。撮。角。紅。藤。下。馬。杌。子。聞。國。初。貴。王。乘。馬。元。祐。後。不
鑄。印。無。乘。馬。儀。物。

歐文忠任河南推官親一妓時先文僖罷政爲西京
留守梅聖俞謝希深尹師魯同在幕下惜歐有才無
行共白于公屢微諷而不之恤一日宴於後園客集

而歐與妓俱不至移時方來在坐相視以目公責妓
云未至何也妓云中暑往涼堂睡著覺失金釵猶未
見公曰若得歐推官一詞當爲償汝歐卽席云柳外
輕。雷。池。上。雨。雨。聲。滴。碎。荷。聲。小。樓。西。角。斷。虹。明。闌。干。
倚。遍。待。月。華。生。燕。子。飛。來。栖。畫。棟。玉。鉤。垂。下。簾。旌。涼。
波。不。動。簾。紋。平。水。精。雙。枕。倚。有。墮。釵。橫。坐。皆。稱。善。遂
命妓滿酌賞歐而令公庫償釵戒歐當少戢不惟不
恤翻以爲怨後修五代史十國世家痛毀吳越又於
歸田錄中說文僖數事皆非美談從祖希白嘗戒子

孫母勸人陰事。賢者爲恩，不賢者爲怨。歐後爲人言其盜甥表云：喪厥夫而無託，携孤女以來歸。張氏此時年方七歲，內翰伯見而笑云：年七歲正是學簾錢時也。歐詞云：江南柳葉小，未成陰。人爲絲，輕那忍折。鶯憐枝嫩，不勝吟。留取待春深，十四五間抱琵琶。尋堂上，簾錢堂下走，恁時相見已留心。何況到如今。歐知貢舉時落第，舉人作醉蓬萊詞以譏之，詞極醜詆，今不錄。

岐公在翰苑時，中秋有月上，問當直學士是誰，左右

以姓名對命。小殿對設二位，召來賜酒。公至殿側侍班，俄頃女童小樂引步輦至，宣學士就坐。公奏故事無君臣對坐之禮，上云：天下無事，月色清美，與其醉聲色，何如與學士論文。若要正席，則外廷賜宴，正欲畧去苛禮，放懷飲酒。公固請不已，再拜就坐上，引謝莊賦李白詩美其才，又出御製詩示公。公嘆仰聖學高妙，每起謝，必勅內侍挾掖，不令下拜。夜漏下三鼓，上悅甚，令左右宮嬪各取領巾、裙帶、或團扇、手帕，求詩內侍舉牙床、以金鑲水晶硯、珊瑚筆、格玉管筆，皆

錢氏和詩
上所用者於公前來者應之畧不停綴都不蹈襲前人盡出一時新意仍稱其所長如美貌者必及其容色人人得其歡心悉以進呈上云豈可虛辱須與學士潤筆遂各取頭上珠花一朵裝公幞頭簪不盡者置公服袖中宮人旋取針線縫聯袖口宴罷月將西沉上命輟金蓮燭令內侍扶掖歸院翌日問學士夜來醉否奏曰雖有酒不醉到玉堂不解帶便上床取幞頭任面前抱兩公服袖坐睡恐失花也都下盛傳天子請客


蔡魯公帥成都一日於藥市中遇一婦人多髮如畫者毛女語蔡云三十年後相見言訖不知所在蔡後以太師魯國公致仕居京師一日在相國寺資聖閣下納涼一村人自外入直至蔡前云毛女有書蔡接書其人忽不見啓封大書東明二字蔡不曉其意後貶長沙死於東明寺因就叢焉呂辨者蔡門人蔡罷珠履盡散獨呂送至長沙呂乘間問蔡云公高明遠識洞鑒古今知國家之事必至于斯乎荅云非不知也將謂老身可以幸免

徐神翁自海陵到京師蔡謂徐云且喜天下太平是時河北盜賊方定徐云太平天上方遣許多魔君下生人間作壞世界蔡云如何得識其人徐笑云太師亦是

紹興間吳山下有大井每年多落水死者董德之太尉率衆作大方石板蓋井口止能下水桶遂無損人之患有人夜行聞井中叫云你幾個怕壞了活人我幾個幾時能勾託生觀此不可謂無鬼也

徽皇聞米元章有字學一日于瑤林殿張絹圖方廣

二丈許設瑪瑙硯李廷珪墨牙管筆金硯匣玉鎮紙水滴召米書之上出簾觀看令梁守道相伴賜酒果乃反繫袍袖跳躍便捷落筆如雲龍蛇飛動聞上在簾下回顧抗聲曰奇絕陛下上大喜盡以硯匣鎮紙之屬賜之尋除書學博士一日崇政殿對事畢手執劄子上顧視令留椅子上米乃顧朶殿云皇帝叫內侍要睡孟閣門彈奏上云俊人不可以禮法拘一日見蔡魯公蔡云元章書法之妙今日可謂第一龜山須還他曼卿佛牌爲第一米曰恁地時龜山却且做



第二米有孔子贊曰孔子孔子大哉孔子孔子以前
未有孔子孔子以後更無孔子孔子孔子大哉孔子
東坡在惠州佛印居江浙以地遠無人致書爲憂有
道人卓契順者慨然歎曰惠州不在天上行卽到矣
因請書以行印卽致書云嘗讀退之送李愿歸盤谷
序愿不遇知於主上者猶能坐茂樹以終日子瞻中
大科登金門上玉堂遠于寂寞之濱權臣忌子瞻爲
宰相耳人生一世間如白駒之過隙三二十年功名
富貴轉盼成空何不一筆勾斷尋取自家本來面目

萬劫常任永無墮落縱未得到如來地亦可以駉駕
鸞鶴翱翔三島爲不死人何乃膠柱守株待人惡趣
昔有問師佛法在甚麼處師云在行任坐卧處着衣
吃飯處痾屎刺撒處沒理沒會處死活不得處子瞻
胸中有萬卷書筆下無一點塵到這地位不知性命
所在一生聰明要做甚麼三世諸佛只是一個有血
性的漢子子瞻若能脚下承當把一二十年富貴功
名賤如泥土努力向前珍重珍重

唐一行嘗語人曰吾得古人相法相人之法以洪範

五福六極爲主觀其所由察其所安可得大槩若其人忠孝仁義所作所爲言行相應顛沛造次必歸於善者吉人也若不忠不孝不仁不義言行不相應顛沛造次必歸于惡者凶人也吉人必獲五福之報凶人必獲六極之刑不于其身必于其子孫若但于風骨氣色中料其前程休咎豈能悉中也

荆公舉一酒令云有客姓任名稔販金販錦關吏止之曰任稔任入金錦禁急又字謎云目字加兩點不得作貝字猜貝字欠兩點不得作目字猜賀資二字也又四個口盡皆方加十字在中央不得作田字道不得作器字商圖字也

燕北風俗不問士庶皆自稱小人宣和間有遼國右金吾衛上將軍韓正歸朝授少保節度使對中人以上說話卽稱小人中人以下卽稱我家每日到漏舍誦天童經數十遍其聲朗朗然且云對天童豈可稱我自皇天生我皆改爲小人云皇天生小人皇地載小人日月照小人北斗輔小人前後二十餘句凡稱我者皆改爲小人誦畢贊笑云這天童極靈聖

王少師云若無靈聖如何持得許多小人然小人有母皆嘗小人之食小人之稱其來古矣施之于經是可笑也

隆興初賀子忱知樞密院有武臣陳理公賞稱從軍三十餘年累立戰功宣和年第一次燕山府立功靖康年第二次白溝河石牛行虎視牛行足以任虎視足以威又問卿如何對云臣草木瓦礫陛下用之則貴不用則賤

張天覺丞相再召到闕謝表云十年去國門前之雀可羅一日還朝屋上之烏亦好後有一達官劾顰云十年去國不聞長樂之鐘一日還朝復見大君之鼎見魏漢津所鑄九鼎初成也

明節劉后一時遭遇寵傾六宮忽苦疴疾臨終戒左右云我有遺囑在領巾上候我氣絕奏官家親自來解語畢而終左右馳奏上至哀慟悲不自勝領巾上蠅頭細字其辭曰妾出身微賤而無寸長一旦遭遇聖恩得與嬪御之列命分寒薄至此天折雖埋骨于九泉魂魄不離左右切望陛下以宗廟社稷之重天

金氏私誌
下生靈之衆大王帝姬之多不可以賤妾一人過有
思念深動聖懷况後宮萬計勝如妾者不少妾深欲
忍死面與君父訣別謫限已盡不得少留冤痛之情
言不能盡淚下有數百點悲切之言不能盡記後左
右每欲寬解必提領巾上愈傷感聞者謂李夫人不
足道也林靈素謂后是九華安妃臨終聞本殿異香
音樂次年有青坡術士見后于巫山髣髴鈿合金釵
云

叔父太尉昭陵之甥親見宣政太平文物之懿逮

事太上備膺眷遇在帝左右銜命出疆凡耳目所
接事出一時語流千載者廣記而備言之世昭敬
請而集名曰錢氏私誌云侄廸功郎秀州嘉興尉
世昭序

家王故事

宋 錢惟演撰 陶宗儀輯

隆遇

先臣開寶九年二月入朝一日太祖召宴後苑時惟
太宗及秦王侍坐酒酣詔先臣與太宗敘兄弟之禮
命中人翼起之先臣叩頭辭讓繼之以泣方得免先
臣太平興國三年入朝太宗詔赴苑中宴先臣時獨
臣兄安僖王惟濬侍焉因泛舟於宮池太宗平舉御
杯賜先臣跪而飲之明日奉表謝其畧曰御苑深沉。

家王故事
想人臣之不到天顏咫尺惟父子以周親。

保讓廢王

先臣初爲台州刺史時伯父廢王宗始嗣立而宿將胡思進怙權亂政宗不能容形於色言且欲殺之思進乃逼廢王而以兵迎立先臣時晉開運四年十二月晦也先臣乙夜至府置具與思進約曰能全吾兄則敢承命不然者請避賢路思進曰諾先臣如視事於是遷宗於越其後思進違約曰請害宗先臣譬說百端思進之請益固先臣察其必有它變乃先遣親

將薛溫者往越爲宗守衛宗且誠曰是行也委爾保全廢王事無大小皆非吾意先死扞之溫旣行果思進夜使二卒持刃逾垣而入宗第宗闔寢戶以拒之求叔之聲聞於外溫領徒而入斃二卒於廷中及思進之死宗獲無恙開寶中始以疾終

大度

先臣鎮東南日嘗大會賓客食驚臞而庖人因刀傷手以紙濡血紙墮食器中先臣得之遂藏於袖且顧左右曰無令掌膳者知

焚案帳

太平興國中趙普再入相盧多遜罷為兵部尚書一日普召臣兄惟濬到中書語曰朝廷知盧多遜求取元帥財物甚多今未亟行者為元帥故也請具所遺之物列狀上之辭意疊疊冀在必致惟濬歸而白之且曰侍中之言侍中者普也未必不是上旨先臣曰上英明大臣有過行即自行何假吾狀惟濬懼普與寮吏等又堅請曰逆侍中意恐致不測先臣知不可已乃曰汝將案帳來吾與汝審視之乃盡取當時所與大

臣近密財物之數籍俟惟濬等退命取火悉焚之既而召語曰我受主上非常之恩是以入朝之初上所顧遇者皆以金幣為之土物耳且非有它求為故也况侍中之下皆有之何獨盧相豈有見人之將溺而加石焉汝等少年勿為此案籍已焚之禍福吾自嘗之惟濬等惕息而退後果知是事非太宗意

家世舊聞
宋 陸游撰 李銜星閱
其狀如大鼠而極肥臍甚畏日偶為隙光所射輒死
性能糜肉一鼎之肉以貌一瓣投之旋即糜爛然虜

家世舊聞

宋 陸游撰 李銜星閱

太傅

諱軫字齊卿

性質直雖在上前不少改昔為館職時

嘗因奏事極言治亂舉笏指御榻地曰天下奸雄睥睨此座者多矣陛下須好作乃可長保明日仁祖以其語告大臣曰陸軫淳直如此

楚公

諱佃字農師

使虜歸携所得貌至京師先君言猶記

其狀如大鼠而極肥臍甚畏日偶為隙光所射輒死性能糜肉一鼎之肉以貌一瓣投之旋即糜爛然虜

人亦不以此貴之但謂珍味耳楚公使虜時館中有
小胡執事甚謹亦能華言因食夾子以食不盡者與
之拜謝而不食問其故曰將以遺父母公喜更多與
之且問識此何物也曰人言是石榴意其言食留也
又虜人負載隨行物不用兵夫但遇道上行者即驅
役之耳一日將就馬一擔夫訴曰某是燕京進士不
能負擔公笑爲言而遣之

祖母楚國鄭夫人撫視庶子與已子等先君與四十

二叔父提舉公諱宋字元珍同歲方懷孕時祖母作襁褓

二副侍者曰先產者先用之已而八月祖母生先

君九月杜支婆生叔父相距才二十餘日也先世以來庶母

皆稱支婆

楚公言遼人雖外竊中國禮文然實安于夷狄之俗
南使過中京舊例有樂來迎即以束帛與之公以十
一月二十日至中京遼人作樂受帛自若也明旦迓
使輒止不行曰國忌行香公照案牘則虜忌正二十
日也因移文問虜曰去年昨日作忌今年今日作忌
何爲不可蓋利束帛故徙忌日耳又回途送使聞其

主喪而不能作哀也但以墨滅幘頭之光行數日既除服則佩服如常矣獨副使忘洗幘頭見者大笑公平生待物以誠雖于夷狄不變也因從容與語使洗之副使亟謝

先君

諱宰字元鈞

言青州王沂公所居坊有榜曰三元文

正之坊又嘗見沂公初登科報其父書曰曾今日殿前唱名遂忝第一皆先世積德大人不須過喜因言楚公登科時第四人張中在殿廷喜甚挈楚公手曰如何得鄉里知去楚公不荅及歸密謂親曰此殆非

遠器也中為明州象山縣官坐私與高麗人朴寅亮倡和詩停官終身沉滯雖一時不幸坐法亦器宇非遠大也

宣和末蔡京病篤人皆謂必死矣獨晁叔用冲之謂先君曰未死也此老敗壞至此若使晏然死牖下備極哀榮豈復有天道哉已而果然

先君言蔡京自少好方士之術其在錢唐嘗遇異人以故所至輒延道人輩崇寧初作相即為徽廟言泰州徐神翁能知未來事元祐中蘇軾知揚州遣人往

求字神翁大書曰泄慢墮地獄禍及七祖神翁雖方
外士而能疾元祐人所宜褒顯其可笑如此然上頗
喜之群闈又言元符中哲宗嘗遣人密問聖嗣神翁
曰吉人君子吉人者上名也于是召至都下上用太
宗見陳搏故事御絳褐卽便殿以賓禮接之又有劉
混康者茅山道士其師祖朱自英以傳籙著名章獻
明肅太后臨朝時嘗召至京師從受法籙故混康亦
得召混康頗有識善効鬼神然未嘗行每曰安能敲
枷擊鎖作老獄吏邪二人者旣至皆物故上疑其

化仙去益求其類初京爲真定師道人王老志自言
鍾離權弟子嘗許京必貴極人臣至是物色得之京
館之後圖引與見上老志敢大言熟視上曰頗記老
臣否上亦自記嘗夢遊帝所有仙官贊拜者其面目
真老志也恩禮尤渥車駕遊幸老志輒羽衣導駕言
有非常輒能知之未幾老志夜叩京門告以鍾離公
怒我語涉欺誕行當墮落公福亦不終矣明日得疾
力辭歸河朔而死自是方士自言有異術者相踵而
林靈素最後出尤爲魁傑素字靈通叟本名靈噩温

州人少嘗事僧爲童子嗜酒不檢僧笞辱之發憤棄去爲道人頗知小術亦時時自寫所爲歌詩遺人然筆札詞句皆鄙惡了無可觀旣得幸其徒黠者稍潤色之然靈素本庸夫每升高座說法肆爲市井俚談聞者絕倒或擇日施符水爲人治病車駕間幸其所居設次臨觀則陰募京師無賴數十人曲背爲偃扶杖爲盲噤口爲喑曳足爲跛旣嘆水投符則偃者伸背盲者捨杖喑者大呼跛者疾走或拜或泣各言得疾二十年或三十年一旦都除歡聲動地上爲大悅

靈素以爲未足則又倡言神霄事謂天有九霄神霄最尊上爲神霄帝君實玉帝長子下降世間而其貳曰青華長生二帝君實治神霄府事每齋醮上必親劄辭表以禱上帝君或久無靈響亦禱焉好事者或謂青華爲上長生爲鄆王蓋過矣然宮觀設醮亦或言見上御道家冠服跨金龍冉冉自空而降呼奉祠官及道士與語其事秘不可知也惟擲果自空而墜則徃徃得之果皆絕大異常靈素又自謂已乃神霄計吏褚慧有光曰褚嘉卿位至右極仙嘉卿今亦生

世間是爲王黼黼和御製詩有曰君王猶記褚嘉卿者是也又云如蔡京則左元仙伯范致虛則東臺典籍王孝迪則西臺詳閱真文史靈素與王革有隙則曰革廐吏也常與帝君馭馬其他有名者甚衆是時明節劉后方幸又曰后在神霄爲九華玉真安妃蔡京曲讌詩曰保和前殿麗秋暉恩許塵凡到綺闌曲讌酒闌傳密詔玉真軒裡見安妃是也安妃名在真詰蓋天之高真而靈素敢瀆冒如此又嘗密奏雨靈真裔將誕蓋明節方就館耳靈素賜號藥珠殿侍晨

金門羽客通真達靈先生上刻玉爲降真召靈之寶自用之而錫靈素塗金印文曰通真達靈之印班視執政錫賚至不可計有弟子姓丁自言謂之四世孫上爲下詔贈爲少保士大夫無耻者日萃其門所薦進皆卽拔擢又著令道士居僧上而道士入僧寺輒據上席已而遂冠笄僧尼矣先是宮中數有物怪或見一老娼黃帽黃衫抱十餘歲兒紅袍玉帶乘輿鳴蹕而出娼兒皆有悲泣容其將見必先有聲如雷宮中爲之雷去聲上常手札賜靈素畧曰元符三年冬內

人自泰陵還摘皂莢一籠入宮門籠輒自躍皂莢皆
跳出是祟物顯行宜善治之勿爲髡徒所笑靈素竭
其術不効旣乂上益厭之遂放靈素歸故郡宣和未
病死靈素之逞憾釋氏也每爲金秋亂華又創圖宮
殿爲仙女騎麟鳳之狀名之曰女真皆言妖也

玉堂逢辰錄

宋 錢惟演撰 陶宗儀輯

營王宮火

大中祥符八年四月二十三日夜營王宮火時大風
東北來五更後火益盛予起登樓觀之知是禁中通
夕不寐東宮六位一時蕩盡宮人多走上東華門樓
有出不及者死百餘人東宮六位東行第一雍王第
二相王第三南陽郡王西行第一堯王第二曹王第
三榮王西卽連御厨密迎上臺二十四日左掖門東

玉堂進曆金
華門並不開朝者皆趨右掖門天明宰臣等並立於
內東門廊廡之下旣而火至承天門西燒儀鸞司復
燒朝元殿後閣門長春殿南廊拆西北主廊以絕火
勢火遂南燒內藏庫香藥庫又東迴燒左藏庫又西
燒闕閣史館午時燒乾元門東角樓西至朝堂救之
而止未時火出宮連燒中書省門下省鼓司審宮院
是夕燒屋舍計二千餘間救焚而死者千五百人火
至夜不絕宰臣樞密兩制是夕並宿禁中是時救左
藏庫人尤衆輦出金銀帛疋莫知其數積於城墻之

上及燒角樓風忽迴東北又燒之烟焰滔天救者不
能措手初燒長春殿南廊火自屋內西行忽隔十餘
間而發人皆奔走避之所存惟大內及中書樞密院
以西而已二王時無居處寓于東華門樓夕上召入
禁中明日出居於上源驛時焚諸庫香閨十餘里祕
閣三館圖籍一時俱盡又火風中有飄書籍至汴水
南者中夕風定火亦止二十五日詔知各王與中使
閻文慶岑守素勘遺火之蹤中人說二十四日欲明
火勢漸東來遂拆御厨主廊數百人登屋運水時望

見宮人相壓死於煨燼中甚衆猶有手足能動者曹
王夫人將投火中救之獲免宮人入火者不知其數
禁中大樹焚之逮盡所餘者亦焦枯焉惟相王宮在
東入自西北起四王更破東墻自卒宿衛者運府庫
等物出之十得七八矣五月三日榮王落遂州節度
使降封端王先領梓遂二州也其日勘得掌茶酒宮人韓小
姐稱與親事官孟貴私通多竊寶器以遺之後事泄
王乳母決貴之小姐乃謀放火因而奔出有琵琶伎
人王木賽者知之受小姐金而不言二十三夜於佛

身炬爇之因風火遂大作九年正月二十

先於閣門賜食久之召宰臣親王承郎給諫入
玉宸殿賜宴其日初入苑東門至西南行至一門百
餘步有小亭上坐亭中見訖穿假山中南行至大茶
藤架下賜坐皆石床上面南侍臣西分列架下有水
分流渡於坐右之側賜酒三行又南登小山又有小
亭前上山直至一閣其上藏太宗御書及史籍并製
御文字命侍臣更讀之乃南通小樓東有閣道上設
繒細書五臣論等皆列於壁自閣道下瞰皆是梨花

三堂遊屏金
來路如小標枝排于闌檻間又北行皆在山上山徑
中設茶具御坐北卽有御製自誠箴紫牡丹歌風琴
詩千葉牡丹詩等繪甚細却南行至翔鸞閣小宴賦
詩畢便至流杯亭下籍以方褥流水周繞御杯載之
以龍首小舟泛泛而至其次每一杯皆舟中一仙人
執之而來又有水嬉千百其狀龍魚皆相隨流泛其
饌亦用小舟一胡人捧盤來來問徧乃止酒數行乃
登象瀛山峯巒峻拔其上珍木異花聚萃相映山北
坵有響石上製響銘在烏山下亭中有石水臺水中

朱書誠酒銘又諸石筍石壁之上皆朱書御詩至此
徧觀賜茶而出憇于屋次少頃又召入復穿一石橋
跨小池之上覆以茶蘼架此處又有大橋交蔭花卉
十品遂上玉宸殿遍觀東一室中有碑文又東有石
紀未暇讀乃宣侍坐命酒於殿內七杯而罷其日惟
黃門小樂二十餘人行酒者皆中使也閣門使教坊
並不預焉益深巖之地非人間矣乃出侍臣皆醉焉

此本通錄... 王堂通廟錄... 卷之四... 廟樂... 禮折之請... 謂使... 者曰廟樂之作皆本朝所歌以詠祖宗功德也他國

澠水燕談錄

宋 王闢之撰 陶宗儀輯

慶曆中郎官呂覺者勘公事已回奏對臣衣緋已久
乞改章服仁宗曰待別差遣與卿換章服不欲因鞠
獄與人恩深慮刻薄之徒望風希進加人深罪耳帝
寬厚欽恤之德如此廟號曰仁不亦宜乎

皇祐末契丹請太廟樂仁宗以問宰相對曰恐享祀
不可習也樞密副使孫公沔曰當以禮折之請謂使
者曰廟樂之作皆本朝所歌以詠祖宗功德也他國

可用耶使如能助吾祭乃觀之仁宗具言使者不敢復請

陳文惠將終前一日自為墓誌曰宋有潁州先生堯佐字希道號智餘子年八十不為天官一品不為賤老而納祿不為辱三者粗備歸息於先秦國太夫人仲兄丞相棲神之域吾何恨哉

范文正公知邠州暇日率僚屬登樓置酒未舉望見纒經數人營理葬具者公亟令詢之乃寄居士人卒於邠將出殯近郊謂棺槨皆所未具公憮然即輟宴

席厚賜給之使畢其事坐客感嘆有泣下者

孫明復先生近居太山之陽枯稿憔悴髮皓白著春秋尊王嚴十五篇為春秋學士未有過之者也故相李文正公守衮就見之嘆曰先生五十一室獨居誰事左右不幸風雨食飲生疾奈何弟之女賢可以奉先生箕帚固辭文定公曰吾女不妻先生不過為一小官人妻先生德高天下幸婿李氏榮貴莫大於此先生曰宰相國女不以妻公侯貴戚而固以嫁山谷衰老藜藿之人相國之賢古無有也余不可不成相

國之賢遂妻之其女亦甘淡薄事先生以盡婦道當時士大夫莫不賢之

趙哲好學著述太宗擢典制誥逾月卒子束之亦有文前以職事死塞下家極貧三女皆幼無口以養無宅以居僕趙延嗣者久事舍人義不忍去竭力營衣食以給之雖勞苦不避如是者十餘年三女皆長延嗣未嘗見其面至京師訪舍人之舊媒嫁三女見宋翰林白揚侍郎微之發聲大哭具道所以二公驚謝曰吾被衣冠且與舍人友而不能恤舍人之孤不道

汝遠矣迎三女歸京師擇良士嫁之三女皆有歸延嗣乃去徂徠先生石守道爲之傳以厲天下云

曹天州于令儀者市井人也長厚不忤物晚年常頗豐富一夕盜入其家諸子擒之乃鄰子也令儀曰女素寡悔何苦而爲盜邪曰迫於貧耳問其所欲曰得十千足以衣食如其欲與之旣去呼之盜大恐謂曰汝貧甚夜負錢以歸恐爲人所詰留之至明使去盜大感愧卒爲良民鄉里稱君爲善士君擇子侄之秀者起學室延名儒以教之子佻姪傑倣舉進士第今

爲南曹令

眉山蘇詢少不喜學幾壯猶不知書年二十七始發憤讀書舉進士又舉茂才皆不中曰此未足爲吾學也焚其文閉戶讀書五六年乃大究六經百家書說嘉祐初二子軾轍至京師歐陽文忠公獻其書于朝士大夫爭持其文二子舉進士亦皆在高等於是父子名動京師而蘇氏文章擅天下目其文曰三蘇蓋詢爲老蘇軾爲大蘇轍爲小蘇也

舊制郊祀禮成駕還闕門有勘契之儀其制以竹爲塗長三尺鏤金飾其端緘以泥金縫囊金吾掌之金塗銅爲鍮長三尺其端所以合符者也貯以泥金紫囊駕前掌之駕至端門閹吏闔扉以問曰南來者爲誰駕前司告曰大皇皇帝奏請行勘箭之儀施交勘奏曰勘乞又審曰是否贊者齊聲曰是三審乃闔扉列班起居駕乃入契刻檀爲金飾鱗鬣別刻檀板爲坎足以容魚駕前掌魚殿前掌板駕過殿門合魚乃啓扉其制如勘箭之儀熙寧中詔罷其制

京師品官之喪用浮屠法繫鍾初無定制景德中令

文武卿監武臣大將軍合婦人郡夫人以上令於夫
詩開寶繫鍾至於爲例

進士之舉至於本朝尤盛而沿革不一昇寶六年因
徐士廉伐鼓訴訟帝御講武殿覆試自此始賜詩自
興國二年呂蒙正榜始分甲第自興國八年王世則
榜始賜袍笏自祥符中姚曄榜始賜宴自呂蒙正榜
始賜同出身自王世則榜始賜別科出身自咸平三
年陳克咨榜始唱名自雍熙二年梁顥榜始稱封騰
錄覆考編排皆始於景德祥符之間

慶曆中歐陽文忠公謫守滁州有琅琊幽谷山川奇
麗鳴泉飛瀑如環珮公登臨志歸僧智仙作亭其上
公刻石爲記以遺州令旣去十年太常博士沈遵好
奇之士聞而往遊其地山水秀絕以琴寫其聲爲醉
翁引以敘其事然調不主聲爲知琴者所惜後三十
餘年公薨遵亦歿其後廬山道人崔閑遵客也妙於
琴理常恨此曲無詞乃譜其聲請撰於東坡居士以
補其缺然後聲詞皆備遂爲音中絕妙好事者爭傳
其詞曰琅然清圓誰彈向空山無言惟有醉翁知其

然一天雨露明月娟娟人未眠荷蕢過山前曰有心也哉此絃第二疊泛聲同此醉翁去後空有朝吟怨山有時

而回巔水有時而回淵思翁無歲年翁今爲飛仙此意在人間試聽徽外三二絃方居士之補詞其聲閑爲絃倚爲詞頃刻而就無有點竄遵之子爲比丘號未覺真禪師居士書以與之云二水同器有不相入二琴同手有不相應沈君信手彈琴而與泉合居士縱筆作詞而與琴會此必有真同者矣

洛陽至京六驛舊未嘗進花李文定公留守始以花進歲差府一人乘驛馬晝夜驅至京師所進止姚黃魏紫四五朶用葉襯籠中籍覆上下使馬不動搖亦所以禦日氣有以蠟封花蒂可數日不落至今歲貢不絕江陰軍北距大江地僻鮮過客無將之煩所隸一縣公事絕少通州南阻江東北濱海士大夫罕至居民以魚鹽自給不爲盜賊獄訟希簡士宦三州者最爲優逸故士大夫以江陰爲兩浙道院通州爲淮南道院也

避戎嘉話

宋 石茂良撰 陶宗儀閱

靖康丙午仲冬金人再犯京師統制姚友仲領右中
 三軍備禦閏十一月三日賊攻通津門甚急友仲帶
 領軍將副部隊將子弟効用一千餘人往通津門救
 護軍兵下城接戰殺傷甚眾初七日晚殿師王宗楚
 帶領衛兵一千餘人下城與賊接戰高師旦死之是
 夜友仲正策應南拐子城賊交鋒正在北拐子城下
 躬率將校施放弓弩監督砲石凡數陣皆為砲箭所

澠水燕談錄

述五嘉言
臨雖不少負亦不大勝賊勢稍退初三至初八凡六
日措置稍稍就緒初九日早宣化門告急又帶一行
人往宣化門守禦南北拐子城皆捍禦水門者也水
門不可遽犯故急攻二拐子城矢石如雨樓櫓皆毀
壞友仲於南拐子城上別造兩圓門去馬面三十步
許用磚砌成中開下轅門干戈板間下如城門法四
面皆置女牆迎敵皆自轅門萬一賊兵厚重則入轅
門放下干戈板又是拐子城也磚城下濶五尺高一
丈二尺五寸不日告成通津門兩拐子城正是受敵

處守禦有方終不可破皆友仲之力凡守拐子法務
要令人少肅靜可以應敵人少可以迎眾友仲首到
南拐子城便令畫拐子圖西廊每門兩人守踏定板
外鑰匙須敵樓上與虛棚凡三層止是受敵處每間
不得過十五人弓弩槍斧手相間分作三番晝夜輪
轉更其勞逸使得休息萬一賊人不測侵犯自有備
禦之法也初九日到宣化門護龍河內賊橋也疊過
半矣但未有砲猶可捍禦友仲遂選神臂弓強弩手
下臨分布牀子弩及九牛弩多置大小砲座又於攻

打處絞縛致勝縲一日而就成衆指爲鬼工凡十日
賊橋不能寸進賊人叠橋之法先用牌浮水面次用
一重柴一重蓆一重土增渡如初矢石火皆不能入
橋之外正是賊寨望之燈火如晝五方百步一望不
斷斧鑿之聲聞於遠近其攻城之具又有火梯雲梯
編橋鵝車洞子兵法爲木驢撞竿兜竿之類火梯雲梯編
橋皆與城櫓齊高亦有高於城者皆可以燒樓櫓雲
梯編橋可以倚城而上下皆用車軸推行此三物惟
撞竿可以禦之撞竿用大木長可數丈者又用橫木

數十條中穿而下留手把可以致力頭以鐵裹或以
大鐵鎗或安以托叉鈎頭可也每一樓子上常置撞
竿三兩條俟其火梯雲梯編橋至城下則徐應之不
必驚擾既撞定梯橋則衆手用鐵鈎鈎定進不得前
退不得後則火自焚橋亦壞人亦墜矣萬一撞竿不
中則用狼牙槍手砲架槍手禦之亦不能上惟要當
鋒得人通津門拐子城每爲賊人攻打前後共壞火
梯雲梯鵝車編橋十數座皆此也洞子可以治道可
以攻城其狀如合掌上銳下潤人往來其中即次續

通考卷之三
之有長數丈者上用牛皮生鐵裹定內用濕氈中用
太麩矢石火皆不能入治道則欲安砲并推梯橋之
類攻城則欲取土透城皆不足惧也兵法之禦洞子
用鐵蒺藜懸下而敦之其法以熟鐵澗徑長一尺二
寸四條縱橫布如蒺藜形鎔生鐵灌其中央重五十
斤上安其鼻連鎖擲下敦訖以轆轤絞之若洞子上
有牛皮并泥敦著卽舉速放火炬油燒火賊人用洞
子穿地道來追於地道上直下穿井以待之積薪草
安井中如火薰之或有用火砲納於其中則敵自燬

灼又用游火用鐵筐盛火如脂蠟毒藥懸絙下燒薰
穴中攻城人有用燕尾炬縛草分爲兩岐如燕尾狀
以油蠟灌之從城墜下騎洞子燒之如此皆禦洞子
法也撞竿至則作屋桑木爲之桶索相連撞竿須連
以環串竿頭於兩旁令壯士牽之鈎竿至則用栲栳
乘其鈎亦令壯士牽之乘勢猛放則竿與人俱倒惟
砲架最難制禦金人砲架四旁並用濕榆小椽密簇
定又用生皮并鐵葉裹定鴟鵂須火不能入其砲有
七梢五梢三梢兩梢獨梢旋風虎蹲等砲內七梢可

遼天嘉言
以致遠其石六五梢等亦可以致遠其上或放雙砲
友仲先於樓子上受敵處絞縛棚上羅索網并下擺
糖布袋濕馬糞又於城頭馬面上懸穿濕榆檣木篔
籬格氈雖慢然亦可以遮砲也城下地廣安砲多城
上地狹安砲少最爲受敵十九日夜賊人一夜安砲
五千餘座城上雖棚人皆不可存住死於砲者日不
下二三十人友仲到宣化門上日恐賊人者有破議
幫築城身之法視受敵樓子遠近築面濶一丈二尺
五寸下脚濶二丈五尺高五丈四邊皆有虛棚女墻

復於旁置兩小門如城門法萬一賊兵上城類有限
隔可以迎敵不幸爲提刑秦元所阻秦欲幫築耳城
議論不同朝廷遷延不斷遲十日後雖竟從友仲之
請然夜息晝作亦如平時功終不成惜哉自十九日
夜賊安砲之後矢石不可盡二十一日橋成先有黑
旗子三人先登岸都統王燮姚友仲揮驍勇使臣與
西兵數十人下戰亦殺數人賊退橋之南入洞子中
俄頃宰相何臬至黑旗子復如前登岸城中弓弩箭
如雨賊兵畧不顧欲交鋒西城下寨一兵約六七百

人望風退走賊亦不追城上皆厲聲叫云後面無賊
然勢不可回隔岸矢石如雨中傷者數百人自填於
陷馬坑者三十餘人賊兵望風輕笑宰相親見之而
不恤初縛虛棚時友仲使多備濕麻刀舊氈衲襖蓋
防賊入有火箭火炮也幸而金人不善制此二物二
十三日賊橋浸廣友仲遣張宗顏閻維段永年領敢
死兵三百人血戰於城下用純斧隊斫壞洞子七所
賊衆敗走乘勢遂北涉河至中流水解陷死者數十
人返爲賊兵掩擊豈天殆我師也二十四日早賊推

大梯四乘來攻字號樓子三乘皆爲撞竿所壞又再
來撞撞不着火熾逼着樓子泐燒字號及三樓子賊
皆登城舞黑旗鼓譟然爲樓上火盛不可過友仲仗
劔擁班直守禦官軍等救火弓弩交發又用鍊金汁
澆賊皆墮殺傷衆賊遂退三樓子皆爲大燼矣是夜
再安樓子三座又爲賊砲所碎二十四日雪大下至
晚深二尺餘加之風聲號怒二十五日風雪愈甚早
間大啓宣化門出郭京人馬與賊接戰賊衆見所燒
樓子未成頽毀撞竿未備賊遂登城衆潰城陷初京

通判嘉言
之出也城中居民跣踵延頸于宣化門者數千人立
挨捷報及京敗城門急閉賊帥大怒鳴鼓振旅鐵衣
滿野多若螻蟻皆泐城而上城遂陷友仲二十五日
晚於南城爲軍民所毆打至死肝腦塗地委填溝壑
骨肉星散不知所在家貲劫掠掃地痛哉天不祐善
人如此友仲將種也三世忠孝聲聞滿於夷夏自守
禦以來夙夜勤勞食息不暇在諸將中尤無負於朝
廷者今反被禍若此先是閏月一日百姓毆殺本壁
統制辛康宗辛公指揮城上兵軍不見賊不得亂放

箭砲百姓疑其姦細故殺之朝廷縱而不問故軍兵
百姓聚衆殺人在一時指揮之間殊不爲怪蓋京師
承平之久無知小民游手浮浪最多平居除旅店外
多在大房浴堂櫃房雜處里巷強梁不在數也乘此
擾攘聚衆作亂甚者趕罵宰相縈孽內侍打殺統制
放火焚燒莫知其數先是今年秋友仲議欲於都城
置訪巡十六員新門四隅四員舊城內四員每員皆
一正一副每員統兵五百人遇有警急則一正將帶
領二百五十人救援留二百五十人在地分或有細

通五身言 八
民乘勢作過當以軍法從事仍都巡檢三員在新門內一員在舊門內以總其事情惜朝廷不從其請友仲之議意恐小人喜亂故欲設此防民而友仲親被其禍豈靈於人而不靈於已耶友仲之死門生故吏無一哭其屍者茂良訴於王煥始收拾遺骸雪冤於朝廷魂而有靈亦少伸也

靖康城陷議和上見二酋作二降表過北皆孫觀受蓋之筆其畧云三里之城遂失籬藩之守七世之廟幾爲灰燼之餘既干汗馬之勞敢緩牽羊之請恭惟

大金皇帝陛下云云又云上皇負罪以播遷微臣捐軀而聽命又云社稷不殞宇宙再清粘罕抹去大金二字止欲稱皇帝又指宇宙二字云大金亦宇宙也又易負罪二字爲失德朝廷不得已皆從之

初金人至城下姚友仲與諸將議計之便幸其遠來賊衆必疲行列未成若選五萬精兵出四門分爲十頭頂乘勢而擊出其不意攻其無備衆必潰亂有可破之理過此則日復一日賊勢愈盛援兵不至士氣阻喪雖悔無及矣是時唐恪止其事專在和議而已

後攻城既急友仲復與諸將議急遣使講和爲便累
白何臬方料金人糧道不繼不日就擒堅不可和唐
恪謬誤於前何臬寡謀誤國於後獨姚友仲於閏月
三日往來東南兩壁以來策應至二十五日城陷晝
夜勞苦最爲有功被禍獨甚於二相天意乃不可知
也

金人今春旣出境朝廷措置多不急之務如復春秋
科太學生免解改舒王從祀之類特爲語曰不管肅
王却管舒王不管燕山却管聶山不管山東却管陳

東不管東京却管蔡京不管河北界却管秀才解道
路之言切中時病如此

淵聖幸虜營不返謝元及作憶王孫其詞有云依依
宮柳壓宮墻樓殿無人春晝長燕子歸來依舊忙憶
君王月破黃昏人斷腸

正月十五日淵聖在虜營是日陰雲四垂家家愁苦
向之鰲山教坊百戲景龍燈火之樂不可同年想也
士大夫憂憤作歌行者甚衆獨胡處晦上元行膾炙
人口今附於左上元愁雲在九重哀笳落日吹腥風

通方嘉言
六龍駐驛在草莽孽胡歌舞蒲萄宮抽釵脫釧到編
戶竭澤枯魚克寶賂聖主憂民民更憂驕子蝶天天
不怒向來艱難傳大寶父老談言似仁廟元年二月
城下盟未覩名臣繼嘉祐哀痛今年塵再蒙冠劍夾
道趨辭公神龍今在九淵卧安得屢困蛟蛇中朝廷
中興無柱石薄物細故昭帝力毛遂不得處囊中遠
慚趙氏廝養卒今日君王歸不得傾城回首歌悲啼
會看山呼聞動地萬家香霧燒天衣胡兒胡兒莫耽
樂君不見夕月常虧東北角

鴻臚主簿鄧肅作靖康行云女真作意厭人肝揮鞭
直指來長安南渡黃河如履地東望太行不能山帝
城周廻八十里二十萬兵氣烈熾旌旗城上亂雲烟
腰間寶劍橫秋水雪花一日故濛濛皂幟登城吹朔
風我師舉頭不敢視脫兔猪豚一掃空夜起火光迷
鳳闕鉦鼓碎轟地歌裂斯民嗷嗷將何之相顧無言
惟泣血僕射何公扣龍墀閉門相臣噬臍疾竒兵化
作乞和使誓捐一死生群黎遊談滿空胡師怒九鼎
如山不復顧郊南期說上皇輿截被橫流意歸去陞

下仁孝有虞均忍令胡騎縱吾親不龜太始自鞭馬
一出喚回社稷春胡人慕德猶貪利千乘載金未滿
意釵釧那爲六宮留大索居民幾卷地六龍再爲蒼
生出自磨虎牙恬不恤重城兀兀萬胡奴杳隔鑿輿
今十日南城赤子日駢闐爭掬香膏自頂燃忿氣如
雲淚如雨漫漫白晝無青天太玉避狄空金帛坐使
十年踰八白天聽端坐民心耳蒼蒼誰云九萬隔會
看春風擁赭黃萬民語呼喜欲狂天宇無塵瞻北極
旄頭落地作頑石後亦被虜乃至三月二十四日放

回

初京城被圍朝廷急於命將有郭京者乃殿前司龍

衛營兵員耳

京師呼爲
踏著大管

京師盛傳能用六甲法可以

生擒粘罕幹離不餘衆可以掃蕩無遺類其法軍兵
七千七百七十七人嘗自試於內廷其法不得而聞
朝廷深信不疑授以成忠郎錫以金繒動數萬計使
自募兵賜予賞賚恩數備至人皆呼爲郭尚書蓋營
寨俚俗呼兵員之稱也其所召人皆市井游惰色色
有之不問騎射善否但擇年命合六甲者足矣有賣

邊方嘉言
線劉六者與姚宅比隣僕熟識之郭京一見授以將
命他皆類此賊兵攻圍甚急郭京談笑自若動似有
道者擇日出兵可致太平直殺至陰山而止其所招
軍兵但欲斫首爾不必戰也前置天王旗每壁分三
面以鎮四壁按五方色或畫天王或畫北斗不知何
法也又有劉無忌者乃街市貨藥道人常倒立泥中
懸一服藥牌子亦作統制內外許之蓋取丘濬詩郭
京楊式劉無忌皆在東南卧白雲之讖也又有僧傳
臨山請亦如京募兵再統制常與京相追隨二十五

日早宣化門大開郭京出兵城中居民跣踵延頸于
宣化門者數千人立俟捷報俄頃報云郭京前軍已
得大寨立旗於賊營矣又報云前軍又奪賊馬千匹
矣姚友仲疑之與石茂良登敵樓而望正見賊兵整
定人馬忽有郭京下使臣來傳令云樓子上除守樓
子使臣軍兵外餘人並不得上樓子蓋天甲法能使
人隱形若樓上人多恐賊兵覘望言猶在耳賊兵兩
兩翼翼鼓譟而進衝斷前軍一掃而空若刈茅草居
後者悉墮護龍河釣橋已尸積不可拽矣城門悉閉

賊帥大怒鳴鼓振旅鍤示滿野多若螻蟻皆悉城而
上止用一舊雲梯可置五十人初有十餘人登疊而
上班直槍手皆不向前用命又值百姓搬石城上望
風走下其守禦之人與百姓軍兵互相殺戮無一用
命向前者其城遂陷乃閏十一月二十五日午時也
余目擊其事故志之

